

赤氷黄珠

六

漢書	類	函	架	冊
三	二	六	五	四

漢書	類	冊	架	函
三	二	六	五	四

內閣文庫	番號	漢	12463
	冊數	44	( 7 )
	函號	301	90



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19

© Kodak 2007 TM: Kodak











大學東  
校典藉  
局之印



赤水玄珠第六卷目錄

水腫門

水脹通論

論水氣証治大法

脉經叙諸水形証

羅太無治許魯齊藥案

仲景治水大法


張湍門一名鼓脹

鼓脹說

虫蠱

痞氣門

終





截屏門

婦邪結

定靈

神靈門

抄錄水大志

抄錄水大志

抄錄水大志

抄錄水大志

抄錄水大志

水腫門

赤水玄珠第六卷目錄

赤水玄珠第六卷

新安生生子孫一奎集

水脹通論

靈樞經曰水穀入于口輸于腸胃其液別為五天  
寒衣薄則為溺與氣天熱衣厚則為汗悲氣氣  
并則為泣中焦胃緩則為唾邪氣內逆則氣為  
之閉塞而不行不行則為水脹余知其然也不  
知其何由生願聞其道岐伯曰五穀之津液和  
合而為膏者內滲入於骨空補益腦髓而下流



於陰股陰陽不和則使液溢而下流于陰髓液  
皆減而下下過度則虛勞過度謂房故腰背痛  
而脛痠陰陽氣道不通四海塞閉三焦不瀉津  
液不化水穀并行腸胃之中別于迴腸留于下  
焦不得滲膀胱則下焦脹水溢則為水脹  
黃帝問于岐伯曰水與膚脹鼓脹腸覃石瘕何以  
別之岐伯荅曰水始起也目窠上微腫如新卧  
起之狀其頸脉動時欬陰股間寒足頸腫腹乃  
大其水已成矣以手按其腹隨手而起如裹水

之狀以其候也帝曰膚脹何以候之岐伯曰膚  
脹者寒氣客于皮膚之間擊然不堅腹大身  
盡腫皮厚按其股窅然而不起腹色不變此其  
候也鼓脹何如岐伯曰腹脹身皆大大與腹脹  
等也色蒼黃腹筋起此其候也腸覃何如岐伯  
曰寒氣客于腸外與衛氣相搏氣不得滲因有  
所繫癖而內著惡氣乃起瘕肉乃生其始生也  
大如鷄卵稍以益大至其成如懷子之狀久者  
離歲按之則堅推之則移月事以時下此其候



也石瘕何如岐伯曰石瘕生于胞中寒氣客于  
子門子門閉塞不得通惡血當瀉不瀉血以留  
止日以益大狀如懷子月事不以時下皆生于  
女子可道而下帝曰膚脹鼓脹可刺耶岐伯曰  
先刺其脹之血絡後調其經刺去其血絡也  
石水臍以下腫其脈沉

本事方云臍腹四肢悉腫者為水但腹脹四肢不  
甚腫為蠱蠱即鼓脹也

綱目云水脹皆本于房勞過度

水腫出素問水熱穴論

黃帝問曰少陰何以主腎腎何以主水岐伯對曰  
腎者至陰也至陰者盛水也肺者太陰也少陰  
者冬脉也故其本在腎其末在肺皆積水也帝  
曰腎何以能聚水而生病岐伯曰腎者胃之關  
也關門不利故聚水而從其類也上下溢于皮  
膚故為胕腫胕腫者聚水而生病也帝曰諸水  
皆生于腎乎岐伯曰腎者牝臟也地氣上者屬  
于腎而生水液也故曰至陰勇而勞甚腎汗出



腎汗出逢于風內不得入于臟腑外不得越于  
 皮膚客于玄府行於皮裏傳為肝腫本之于腎  
 名曰風水所謂玄府汗孔也帝曰水俞五十七  
 處者是何主也岐伯曰腎俞五十七穴積陰之  
 所聚也水所從出入也尻上五行行五者此腎  
 俞故水病下為肝腫大腹上為喘呼不得卧者  
 標本俱病故肺為喘呼腎為水腫肺為逆不得  
 卧分為相輸俱受者水氣之所留也肺期上下  
分爲相輸相應之病而俱受者伏菟上各二行  
緣此二臟乃水氣之所留故也

行五者此腎之街也三陰之所交結于脚也踝  
 上各一行行六者此腎脈之下行也名曰大衝  
 凡五十七穴者皆臟之陰絡水之所客也

尻上五行行五

- |       |      |      |      |
|-------|------|------|------|
| 脊中一   | 懸樞一  | 命門一  | 腰俞一  |
| 長強一   | 大腸俞一 | 小腸俞一 | 膀胱俞二 |
| 中膂內俞一 | 白環俞二 | 胃脘二  | 盲門二  |
| 志室二   | 胞盲二  | 秩邊二  |      |
| 伏菟上各二 | 行行五  |      |      |



中注二 四滿二 氣穴二 大赫二 骨橫二

外陵二 大巨二 水道二 歸來二 衝氣二

踝上各一行行六 陰穀二 照海二

太衝二 復溜二 交信二 築賓二

甲乙經云身腫關門主之 水腫脹皮腫三里注

風水膝腫巨虛上廉注風水面肘腫顏黑鮮溪

風水面肘腫衡陽主之水中晉飲胸脇支滿刺

陷谷出血立已面肘腫上星主之 先取天牖風池

水腫人中盡滿唇反者死水溝主之 水腫大

臍平灸臍中無理不治 內經曰三陰結謂之水王註云謂脾肺之脉俱寒

結也 又曰下焦溢而為水王註曰下焦為分

注之所氣壅不瀉則溢而為水 黃帝問曰有病腎風者面肘龐然雍塞于言可刺

否岐伯曰虛不當刺不當刺而刺後五日其氣

必至帝曰其至何如岐伯曰至必少氣時熱時

熱從胸背上至頭汗出手熱口乾苦渴小便黃



目下腫難以行月事不來煩而不能食不能正  
偃正偃則咳病名曰風水論在刺法中帝曰願  
聞其說岐伯曰邪之所湊其氣必虛陰虛者陽  
必湊之故少氣時熱而汗出也小便黃者少腹  
中有熱也不能正偃者胃中不和也正偃則效  
甚上迫肺也諸有水氣者微腫先見于目下也  
曰何以言之岐伯曰水者陰也目者亦陰也腹  
者至陰之所居故水在腹者必使目下腫也真  
氣上逆故口苦舌乾卧不得正偃正偃則咳出

清水也諸水病者不得卧臥則驚則咳甚也  
腹中鳴者病本于胃也薄脾則煩不能食不  
能下者胃脘隔也身重難以行者胃脉在足也  
月事不來者胞脉閉也胞脉者屬心而絡于胞  
中今氣上迫肺心氣不得下通故月事不來也  
針經曰肢脛者人之管以趨翔也莖垂者身中之  
機陰精之候津液之道也故飲食不節喜怒不  
時津液內溢乃下流于臍血道不通日大不休  
俛仰不便趨不能此榮然有水上下下也



劉宗厚曰按內經諸水氣皆諸臟本病也針經所  
引則又主飲食及七情等因皆致之可見病机  
之微矣但有濕腫氣腫初亦頗相似然以手按  
之成凹不即起者濕也濕與水有微甚之意况  
有氣腫及諸水形証不同要在臨症詳審也  
水腫有陽水陰水之分若脉來沉伏面色青白不  
煩渴小便澀而清大便溏泄為陰水治宜實脾  
脉來沉數面色赤黃或煩渴小便赤而難大便  
秘治宜疎氣蕩滌

論水氣証治大法

內經曰不從毫毛病生于內者陰氣內盛陽氣竭  
絕不得入于腹中故言五臟陽以竭也津液者  
水也充郭皮中陰蓄于內水氣脹滿上攻于肺  
肺氣孤危魄者肺神腎為水害子不救母故云  
其魄獨居也夫陰精損削于內陽氣耗減于外  
則三焦閉溢水道不通水滿皮膚身體否腫故  
云形不可與衣相保也凡此之類皆四肢脉數  
急而內鼓動于肺中也肺動者謂氣急而效也



如是者皆水氣格拒于腹膜之內浮腫施張于  
身形之外欲窮標本其可得乎平治權衡謂察  
脉浮沈也脉浮為在表脉沉為在裡在裏者泄  
之在表者汗之故云開鬼門潔淨府也去宛陳  
莖謂去積久之水物猶如草莖之不可留于身  
劉宗厚曰按經論水氣証治至為机密故云開鬼  
門潔淨府然鬼門者猶幽玄之謂有毛竅而不  
內見其開闔邪氣感入邪與正相搏毛竅閉塞而  
寒熱作為病客于表故宜發汗遣邪氣以開鬼

門也此亦發汗之別稱泄諸病在表之通例也  
淨府者謂膀胱內無入孔而外有出竅為清淨  
津液之府憑腎氣化水穀之精而滲入脬  
中氣約成溺出也未腎主下焦司闔開竅二  
陰肺脾之氣通調水道下輸膀胱氣化水行而  
自清淨否則便澁或濁或淋為水氣溢于腠理  
為膚腫諸病若宛屈陳莖壅滯于身中當泄去  
是物而潔淨宜此二法在表者汗之在裏者泄  
之權衡于治也雖然經云水病本之于肺腎二

示水為朱

六卷

乙



經而古今方論並不以治水獨瀉腎氣為說者  
何蓋腎陰奉行降令為生化之源而常不足至  
陰精損削于內生氣不能運化至為肘腫其氣  
索矣况肺弱而母氣孤危者乎故東垣曰若治  
以甘淡滲泄陽蒸獨陽無陰其欲化淨乎此探  
擷已上治例之妙也如積飲留飲傷脾若土之  
于雨中則為泥矣或因七情所致手足大陰俱  
病身浮腫似水氣用燥脾導氣之劑即愈一則  
若泥土之得和風暖由水濕去而陽化自然萬

物生長一則肺氣開泄滲道通利水氣不濡于  
脾矣此正諸濕腫滿皆屬脾土諸氣積鬱皆屬  
于肺而與陰陽為病水氣机之不同故亦不待  
開鬼門潔淨府而已也

原病式謂水腫為濕熱實甚故治以辛苦寒藥蓋  
以辛散結而苦燥濕以寒除熱而隨其利濕去  
結散熱退氣和而愈而謂脾虛不能制水非說  
舟溪以水腫由脾虛不能制水故水漬妄行當以  
參朮補脾使脾健則自能轉運而水自消但宜



補中行濕利小便為上

劉宗厚曰按劉河間以水腫為濕熱謂在表有熱宜汗謂在裡有熱宜下治法宜開鬼門潔淨府蓋言有餘之証然也丹溪以脾虛不能制水治當補中行濕利小便蓋言不足之証然也若夫滋腎制火之說愚切以為未當蓋補腎之藥乃陰滯柔潤適以滋濕耳豈理也哉今治此証但脾虛受濕為不足所致者宜燥脾土兼利小便若非氣鬱飲食濕熱所致者禁不得妄下証雖

可下又當權其輕重不可過用芫花木戟甘遂峻之劑暫時快利水氣復來而無以治之也少壯充實脈洪大有力者當導去其水年老虛人得此惟當補中行濕為死設或元氣下陷者即又當升提之

古方十種証候以短氣不得臥為心水兩脇疼痛為肝水大便鴨溏為肺水四肢苦重為脾水腰痛足冷為腎水口苦咽乾為膽水乍虛乍實為大腸水腹急肢瘦為膀胱水小便秘澀為胃水



小腹急滿為小腸水以此十水為正水外有風水皮水石水黃汗風水又有風腫氣腫血腫風腫者皮粗麻木不仁走注疼痛氣腫者皮厚四肢瘦削腹脇脹膨至若煩躁激水迷忘驚狂嘔逆煩悶皮間有紅縷赤痕者此血腫也婦人經脉壅閉敗血停腐尤多見此妊娠亦有氣遏水道而虛腫者此但順氣安脾飲食無阻既產而腫自消若產後發虛則虛退而告殞矣  
大抵浮腫之脉帶數即是虛寒潛止其間久必沉

伏沉伏則陽虛陰實為水必矣小面龐然浮腫疼痛其色焔黑多汗惡風者屬腎風治現諸唇黑則傷脾缺盆平則傷心臍出則傷肝足心平則傷腎背平則傷肺凡此五傷必不可治大凡水腫先起于腹而後散于四肢者生先起于四肢而後入腹者死至若鼓脹而肚上青筋脹滿而大便滑泄又瘡而轉作虛浮又兼見前五傷則死矣與夫男從脚上腫而上女從上腫而下或肉硬或掌心平而無紋皆不治

示人  
六卷



論生死脉法

水病脉洪大者可治微細者不可治水病脹閉其脉浮大數者生沉細虛小者死水病腹大如鼓脉虛者死實者生

脉經叙諸水形症原出金匱要畧

病有風水有皮水有正水有石水有黃汗寸口脉沉滑者中有水氣面目腫大有熱或身體反重而酸或惡風一身悉腫脉浮不渴續自汗出而無大熱者皆為風水風水其脉自浮外

症骨節疼痛惡風

皮水其脉亦浮外証肘腫按之沒指不惡風其腹如鼓不渴當發其汗皮水之為病四肢腫水氣在皮膚中四肢聶動者防已茯苓湯主之

○正水其脉沉遲外証自喘

石水其脉自沉外証腹滿不喘

黃汗其脉沉遲身發熱胸滿四肢頭面腫久不愈必致癰膿

心水者其身重而少氣不得卧煩而躁其腫陰



肝水者其腹大不能自轉側脇下腹痛時津液微生小便續通

肺水者其身腫小便難時鴨漉

脾水者其腹大四肢苦重津液不生但苦少氣

小便難

腎水者其腹大臍腫腰痛不得溺陰下濕如牛

鼻上汗其足逆冷面瘦

裏水者一身面目黃腫其脉沉小便不利故令

病水也

仲景曰諸水身半以下腫者當利小便身半已上

當發汗經云身半以上天氣主之身半以下地

氣主之天氣主之者其在皮也故汗而發之

問肌肉之外皮膚之裏首至足一身皆腫者當

作何治答曰亦宜汗之也與身半以上同法身

夫半以上汗之者尺寸之天地也故汗之肌肉之

外皮膚之裏一身盡腫者從天而汗之此表裡

之浮沉凡治之法當如是也肺心肝腎中州已

上俱宜汗中州以下皆宜汗如小便利而渴不



宜汗不宜下以其重亡津液故也  
王海藏曰觀高低內外輕重表裡隨經補瀉要當  
謹察肺胃腎三經病即瘥也  
夫水氣者胃土不能制腎水逆而上行傳入于肝  
故令人腫治者惟知泄水而不知益胃故多下  
之強令水出不依天度流轉故胃愈虛食不滋  
味則發而不能治也莫若行其所無事則為上  
計不可不知 凡補胃不可使之壅滯如本草  
叙赤小豆治水腫通氣補脾胃之類是也

羅太無治許魯齋藥案云魯齋年五十八面四肢  
體浮腫大便溏多腹脹腸鳴時痛飲食減少脉  
得弦細而緩年少時多服牽牛大黃藥面自四  
肢時有浮腫今因陰雨故大發予曰營運之氣  
出自中焦者胃也胃氣弱不能布散水穀之氣  
營養臟腑經絡皮毛故氣行而澹為浮腫大便  
溏多而腹脹腸鳴皆濕氣勝也四時五臟皆以  
胃氣為本五臟有胃氣則和平而安若胃氣虛  
弱不能運動滋養五臟則五臟脉不和平本臟



之氣盛者其脉獨見輕則病過甚則病死故經  
 曰真臟之脉弦無胃氣則死今幸未至於甚尚  
 可調補人知服牽牛大黃為一時之快不知其  
 為終身之害也遂以平胃散加白朮茯苓草薈  
 薏仁數服而腹脹溏泄腸鳴時痛皆愈飲食進  
 止有四肢浮腫以導滯通經湯主之良愈  
 導滯通經湯 治脾濕而氣不宣通面目手腫  
 陳皮 白朮 柴胡 白皮 木香 枳殼 五苓 苓 一兩  
 大右每服六七錢水煎食前服 澤瀉 兩時加

丹溪治水腫多以二陳加白朮人參蒼朮為主佐  
 以黃芩麥冬炒桅子制肝木若腹脹少佐以厚  
 朴氣不運加木香木通氣名陷下加升麻  
 柴胡提之隨病加減必須補中行濕二陳治濕  
 加升提之藥能使大便潤而小便長產後必  
 須以大補血氣為主少佐蒼朮茯苓使水自降  
 用大劑白朮補脾若壅滿用半夏陳皮香附監  
 之有熱當清肺金麥門冬黃芩之屬一方  
 用山梔去皮取仁炒槌碎米湯送下一抄若胃

赤人玄珠

六卷

去



熱病在上者帶皮用 治熱水腫山梔子五錢  
木香一錢半白朮二錢半取急流水煎服 水  
脹用大戟香薷濃煎汁成膏丸去暑利小水  
大戟為末棗肉丸十九泄小水劫實者  
綱目述丹溪治水腫得効之法十五條其法大率  
以甘艸佐白朮參陳芩劑補中氣為君木通滑  
石郁李仁海金沙行水為臣厚朴大腹皮蘊梗  
通滯氣為佐使如氣不升浮惡寒脈沉者探吐  
以提之頭面光腫加麻黃微汗之挾積氣者佐

以保和溫中抑青等丸磨之挾熱者佐以黃芩  
之類清之挾瘡癰者佐以連翹犀角散之而隨  
証加減也  
仲景曰寸口脈沉而遲沉則為水遲則為寒寒水  
相搏跌陽脈伏水穀不化膽氣衰則驚澹胃氣  
因衰則身腫少陰脈細男子則小便不利婦人則  
經水不通經為血血不利則為水名曰血分  
仲景治水大法  
風水脈浮身重汗出惡風者防已黃芪湯主之



防已一兩黃芪錢一兩二分白朮七錢五分甘草錢五  
右每服五錢生姜四片棗一枚水煎溫服良  
久再服腹痛加白芍藥  
因濕為腫者前湯調下五苓散又前湯治風濕  
脉浮為在表其人或頭汗出外無表証惟腰以  
下常重而腫難以屈伸腰以上俱和者並效  
風水惡風一身悉腫脉浮不渴自汗出而無實熱  
者越婢湯主之治裏水加白朮四兩  
麻黃去節石膏六兩半斤生姜三兩大棗枚十二甘草

二右五味以水六升先煮麻黃去上沫入諸  
藥煮取三升分溫三服惡風者加木附子  
一枚炮古今錄驗治風水加木四兩  
皮水為病四肢腫水氣在皮膚中四肢聶動者  
防已加茯苓湯主之  
防已黃芪桂枝各三兩茯苓六兩甘草二兩  
右五味水六升煮取三升分溫三服  
裏水為病越婢加朮湯主之又甘草麻黃湯亦主  
之甘草麻黃去節水五升先煮麻黃



去渣沫內甘草煮取三升温服一升被覆出汗汗不出再服慎風寒

水之為病其脉沉小属少陰浮者為風無水虚脹者為氣水發其汗即已脉沉者宜附子麻黄湯浮者宜杏子湯

附子麻黄湯

附子脐一枚炮去皮麻黄去節甘草炙略水七升先煮麻黄再沸去上沫內諸藥煮取二升半温服八合日三服

陰陽結邪多陰少陽名曰石水小腹腫石水者謂

冬月水水如石之時故曰石水也火墓于盛冬

陽氣微故石水而死也腎肝並沉為石水

黄汗之為病身體腫發熱汗出而渴狀如風水汗

沾衣色其黄如藥汁脉自沉問曰從何得之以

汗出入水中浴汗從孔中入得之黄汗者黄芪

芍藥桂枝苦酒湯主之

黄芪五两芍藥三两桂枝去浮皮苦酒一升

水七升煮三升温服一升當心煩也至六七



日乃解若心煩不正者以苦酒阻故也

黃汗之為病兩頸自冷假令發熱此屬歷節食已汗出又身常暮卧盜汗出者此榮氣也若汗出已反發熱者久其身必甲錯發熱不正者必生惡瘡若身重汗出已輒輕者久必身瞤即胸中痛有又從腰已上必汗出下無汗腰下弛痛如有物在皮中狀劇者不駐食身疼重煩躁小便不利此為黃汗桂枝加黃芪湯主之

桂枝皮去浮生薑各三芍藥各三甘草炙黃芪二

右入棗十二枚擘以水八升煮取三升溫服一升須臾飲熱稀粥一升以助藥力被覆取汗不汗更服之

師曰寸口脉遲而澁遲則為寒澁則為虛不足跌陽脉微而遲微則為氣遲則為寒寒氣不足則手足厥冷則營衛不利營衛不利則腹滿胸鳴相逐氣轉膀胱營衛俱勞陽氣不通則身冷陰氣不通則骨痛陽前通則惡寒陰前通則痺不仁陰陽相得其氣乃行太氣一轉其氣乃散實則



朱氣虛則遺溺名曰氣分氣分心下堅大如盤  
如旋杯水飲所作桂枝去芍藥加麻黃附子細  
辛湯主之

桂枝去浮生薑 麻黃去節細辛略甘草炙

大棗二枚附子一枚皮切八片

右水七升先煮麻黃去沫內諸藥煮取二升

分溫三服當汗出如虫行皮中愈

心下堅大如盤如旋杯水飲所作枳木湯主之

枳實 白朮略三右二味水五升煮取二升分

溫三服腹中硬即當散也

面目浮腫喘嗽痰涎葶藶大棗瀉肺湯主之

甜葶藶 苦葶藶等分大棗

腰已下有水氣牡蠣澤瀉散

兩脇下有水氣腹中雷鳴生薑瀉心湯

十棗湯

大戟 芫花 甘遂各等

三花神祐丸

十棗湯加 牽牛 大黃 輕粉 水丸服



除濕丹

神祐丸加 乳香 沒藥

玄青丹

神祐丸加 黃連 黃柏 青黛

已上四方不可輕用必看其有實候乃用之  
明理趁痛丸 治水氣浮腫又治脚氣上攻風毒

走注疼痛神效

白芥子 桂為肥 甘遂 桂為生 大黃 各兩

右用白麩一兩半滴水丸作餅子燻令黃不

可過焦為末醋糊丸梧桐子大冷酒下二十  
丸不拘時量虛實加減

紫苑散 木香 人參 白朮 紫苑 川芎 各二

右粗末生姜烏梅煎服次日又一服

調胃白朮澤瀉散

治痰病化為水氣傳為水鼓不能食

白朮 澤瀉 芍藥 陳皮 茯苓 生姜

木香 檳榔 各等 一法加白朮本藥各半治



臍腹上腫如神心下痞者加枳下盛者加積

胡洽方 治支飲澀飲于十棗湯中加大黃甘草

五兩同煎服之故以相反之劑欲其上下俱去

也 郁李仁破澀氣能下四肢水 大抵去水

藥多泄熱當求脉之虛實下之

消腫散 治水氣喘呼不得卧煩熱燥渴大小便

不利 大黃 蒸山梔 炒甘草 炙乾葛 陳皮

麻黃 川芎 馬牙硝 各等為末蜜湯調下錢

又方 千金子二百五十粒姜三片滾水煎空心

服以利為度

集成尊重丸 治蠱証水腫氣腫喘急小水赤澀

大便秘結一切中滿單腹鼓脹

人參 沉香 丁香 木香 檳榔 車前子

葶藶子 錢四 胡椒 蝎梢 滑石 海金沙

赤茯苓 白豆蔻 錢半 蘿蔔子 錢六 郁李仁 二錢

右為末姜汁糊丸梧桐子大每服三九姜湯

下一日服三次

簡易方 治蠱脹身乾黑瘦多渴煩悶



馬鞭草細剉晒乾勿見火以酒煮味出去渣温  
服立効不蓋酒者水煎亦可 六月半時採

元戎神方

烏鷄子一枚去頂取清黃汁調膩粉一大錢令  
勻內殼中以蒸餅剉裹之蒸熟去殼取熟黃二  
葶藶等分炒為末與上并黃蒸餅等為丸葶藶  
每服三五十九丸車前子湯下小便澁不通瞿麥  
湯下

又攻擊泄下之劑 去菀陳莖之法也

許學士十腫水病并根源証狀方法

- 一青水先從左右肋腫起根在肝 大戟
- 二赤水先從舌根起根在心 葶藶子
- 三黃水從腰腹起根在脾 甘遂炒
- 四白水從脚腫起根在肺 桑白皮
- 五黑水從外腎腫起根在腎 連翹
- 六玄水從面腫起根在外腎 芫花醋炒
- 七風水從四肢腫起根在骨 澤瀉
- 八石水從腎腫起根在膀胱 藁本



赤水玄珠

九高水從小腹腫起根在小腸

巴豆去油皮

十氣水或盛或衰起根在腹

赤小豆

右十般腫病各有根源種不同看十腫病

根除一味倍多餘九味等分逐味依法脩治

焙為細末煉蜜丸如梧子大用赤茯苓湯吞

下三丸不拘時候每日三服忌鹽一百二十

日緣鹽能化水也又忌魚蝦麵食一切毒物

及生冷房室甚効用此方獲瘥後更服後來

補藥

補藥方

肉桂皮去粗

乾姜

肉豆蔻

赤茯苓去皮

莪木醋川芎

桔梗各等依法製服下方無

茯苓莪木有青皮白木檳榔俱等分為末

每服三錢百沸湯點服空心食前日午晚各

一服前項二方治水腫病甚効予試用之百

發百中獲濟無數

治腫滿小便不利茯苓散

郁李仁錢四檳榔錢二白木錢一赤茯苓錢一甘遂炒切片

陳皮半錢右為末每服一錢姜棗湯調下

赤茯苓

六卷

七



新已上三方許學士試効者治水腫無逾此矣  
雄黃神金散

雄黃稷米炒熟澤瀉去米一兩椒目減半大戟

巴戟茯苓芫花醋浸一甘遂桑皮略一

右為末空心用井花水調服每一錢加至五

錢以利為度忌鹽醋生冷油膩之物

從脚腫加葶藶肚腫加椒目從陰腫加

澤瀉面腫加茯苓從心腫根在肋加雄

黃從肢腫根在皮加甘遂從口腫根在

小腸加巴戟從腰腫根在腎加大戟從

膝腫根在肝加芫花

三白散治膀胱蘊熱風濕相乘陰囊腫大二利便

白丑兩桑白皮白木陳皮木通略等

為末每服二錢空心姜湯調下小兒減半

秘方治鼓脹如神氣鼓則放屁水鼓則下水愈

大戟白商陸甘遂銘陳皮錢大腹皮

檳榔白木海帶海藻略二為末每

用三錢和白麩三兩水拌做一塊分作三小



塊每塊捍碗口大薄餅一箇共作三箇無油  
 鍋內烙熟空心服一餅茶酒送下過口坐卧  
 忌風生冷油膩鹽一箇月不能斷葷者不可  
 治也此藥試過每用一餅僅行水四五渡並  
 一方用乾雞屎一升炒黃好酒三碗淬下煮作  
 一碗縮瀝去渣飲之少頃腹中氣大轉腸鳴從  
 大便利下脚膝及蹄上下先皺起漸消至腹  
 如一次消不盡再服一劑以田螺二枚滾酒內  
 潔熟食之即止後以温粥調養而安

此方治一切水氣濕發腫效  
 三因消腫丸 治水腫喘滿小便不利  
 滑石 木通 白朮 黑丑 炒 茯苓 半夏  
 陳皮 麝木香 藟麥 丁香 各五  
 為末酒糊丸梧子大每五十九丸灯心麥門湯下  
 葶藶丸 治涌水証如溢囊裏漿或遍身腫滿  
 按腹不堅疾行則濯有聲或喘欬不定  
 葶藶 炒 澤瀉 椒目 桑白皮 木猪苓  
 杏仁 錢各五為末煉蜜丸梧子大每二十九丸葱

杏仁錢各五為末煉蜜丸梧子大每二十九丸葱  
 十七



白湯下不拘時服以利為度

局方神助散治十種水氣面目四肢浮腫以手

按之隨手而起欬嗽喘急不得安卧小便赤澀

大便不利

黑丑末 澤瀉酪一椀目半 猪苓二 葶藶二

右為末葱白三莖水煎入酒調服三錢

薏苡根散治水腫

薏苡根君 木香 檳榔 黑丑

右為末酒調服

聖惠氣寶丸又名順氣丸治腰脇俱病如抱一甕肌膚

堅硬按之如鼓脚腫不能屈伸自頭至臆中瘦

脊露骨曾膈痞悶四肢無力

木香 茴香炒 羌活 木瓜 川芎 當歸

陳皮炒 檳榔 地骨皮酪一大黃半 黑丑二

皂角四 右為末熬皂角膏為丸梧子大每六

十九丸温酒下一方無木瓜生姜灯心湯下

治一切氣血凝滯風毒熾盛脚氣走注作腫

或大便閉脚氣入腹滿悶寒熱往來狀如傷



寒並宜服之

簡易方 一治水蠱不問年月深者

大戟 當歸 陳皮 各一

水二升煮七分頓服利二三斗即愈

元戎方 治十種水氣垂死

鯉魚一頭重一斤者和葱白冬瓜煮食之

又治鼓氣方

滑石 輕粉 鎔一 槐花 半一錢

右不犯鉄氣為細末生地黄自然汁生姜自

然汁停滴在藥中為丸梧桐子大一日服三

丸次日服四丸五日以來早晨只一服用生

地黄汁温送下小便中水盡為度得睡後日

服嘉禾散十日未不再發

治陰水腫之劑

五皮散 治風湿客于脾經氣血凝滯以致面目

俱浮四肢腫滿心腹膨脹上氣喘促

白五加皮 地骨皮 生姜皮 大腹皮

茯苓皮 水煎熱服 一方加牽牛



澹寮方無地骨皮五加皮加陳皮葉白皮  
白木香散治腫滿喘嗽欲變成水病者不能  
食不寐卧小便秘

白木 猪苓 甘草 澤瀉 赤茯苓 鎔五  
木香 栝柳 鑿橘紅二官桂 錢滑石 三兩  
右每服一兩半生姜三片水煎温服木通加

按萃聖灵丹 治脾肺有湿喘滿風盛小便赤澀  
苦葶藶炒四防已二錢赤茯苓麵炒木香  
檳榔 木通 人參各一錢

為末以棗肉丸梧子大每服五十九丸湯下  
續随子丸 治通身虚腫喘悶不快

人參 防已 赤茯苓 麵炒 續随子 木香  
檳榔 海金沙 另炒各苦葶藶 四兩  
右為末棗肉丸梧子大每五十九丸桑皮湯下

退腫搨氣散 治積水驚水或飲水過多停積于  
脾故四肢腫身熱用藥惟内消其腫自退  
赤豆 陳皮 蘿蔔子 甘艸 各錢 木香 二錢  
每服一兩生姜三片棗一枚水煎食前服



復元丹 治水腫皮膚盈溢心腹堅脹喘急不得  
正偃正偃則咳嗽腿腹冷口苦舌乾小便不利  
夢中虛驚不得安卧  
附子炮木香煨茴香炒川椒獨活厚朴  
白朮炒吳茱萸炒桂心酪一澤瀉半一兩肉果煨  
檳榔各五錢為末糊丸梧子大每服五十九紫  
蘆湯下一日三服先便旋利如傾次乃腫潰  
喘止此藥能助真火以養真土運樞机禁慾  
絕鹽半年乃不再作

當歸散 治同前

川歸 赤芍藥 牡丹皮 白朮 赤茯苓  
陳皮 枳榔 木香 桂心 木通 絡絲分  
脚膝頭面腫大小便不快每服二錢水一鍾  
紫蘆葉二片木瓜一片同煎八分溫服日三  
服稍覺愈只早晚服二次但覺氣下小便長  
是効 臟虛去枳榔 臍凸加木腹皮猪苓  
各一兩 忌鷄魚肉酸鹹之物及海味  
大半夏湯 治土不能制水水漬于腸胃溢于皮



大膚瀉トク有聲怔忡喘息名曰水脹

橘紅トク半夏トク茯苓トク甘草トク桔梗トク檳榔トク

等分每服五錢姜三片水煎服

赤茯苓丸トク治同上

木香トク五錢トク苦葶歷トク炒トク四防已トク二兩赤茯苓トク二兩

為末棗肉丸トク梧子トク大每服三十九トク桑皮湯下

人參葶歷丸トク治一切水腫及喘滿不可當者

人參トク一兩苦葶歷トク炒トク四

為末棗肉丸トク梧子トク大每三十九トク桑白皮湯下

神秘湯トク治水氣上乘于肺肺得水而浮水腫不

卧卧則喘トク

白茯苓トク木香トク各五トク栝白皮トク紫蘓葉トク陳皮トク

入參トク銘トク七姜トク七片水トク三鍾煎トク鍾半トク食後トク分トク五服トク

無礙丸トク治脾病橫流四肢腫滿

木香トク酢蓬木トク炮トク三稜トク炮トク枳榔トク郁李仁トク炮トク去皮トク各トク一兩トク

大腹皮トク二兩為末トク麥芽トク麩糊トク為丸トク梧子トク大每服トク

三十九トク生姜湯トク吞下トク

香蘓散トク治水氣虛腫小便赤澁



陳皮去一两防已 木通 紫蘇葉各五錢

右為末每服二錢姜三片水煎食前服

小葶薶丸 治腫滿腹大四肢枯瘦小便澁濁

甜葶歷炒 薺菜根為粉煉蜜 彈子大每服一

丸陳皮湯嚼下只三丸小便清數病愈

牡蠣澤瀉散 治脾胃氣虛不能約制腎水水溢

下焦腰以下腫 牡蠣炒 澤瀉 蜀漆洗去 葶薶炒 瓜蒌根

白商陸根 海藻洗 等分為末白湯調服方寸

七小便利止後服 疎鑿飲子 治水氣遍身浮腫喘呼氣急煩渴木

小便不利服熱藥不得者 澤瀉 赤小豆 白商陸 大腹皮 茯苓皮

羌活 椒目 木通 秦朮 檳榔等分

薑五片水煎服 大橘皮湯 治濕熱內攻腹脹水腫小便不利太

便滑泄 陳皮半 木香 錢滑石 檳榔 茯苓 一兩

陳皮半 木香 錢滑石 檳榔 茯苓 一兩

赤水法 六卷 廿三



猪苓 白朮 澤瀉 肉桂 各五錢 甘草 三錢  
生薑 五片 水煎服

實脾散

厚朴 白朮 木瓜 附子 炮 木香 茯苓

大腹子 草果 仁 乾姜 炮 各一兩 甘草 錢五

姜 五片 棗 一枚 水煎服

加味枳朮湯 治氣為痰 飲所膈 心下堅脹 名曰

枳朮湯 枳殼 白朮 陳皮 檳榔 桔梗

木香 桂 紫蘓 梗葉 五靈脂 炒 各二分 半夏

茯苓 甘草 各一分 姜 三片 水煎服

調榮散 治瘀血化為水 四肢浮腫 皮肉赤紋 名曰

血分 細辛 莪朮 桂 赤芍 川歸

川芎 玄胡索 白芷 大腹皮 桑白皮

檳榔 蘿變穗 陳皮 赤茯苓 葶藶 炒

大黃 煨 各一分 甘草 一分 每服 五錢 姜 棗 煎食前服

大豈湯 治風水通身腫 百節痛 惡風自汗 眼合

不得短氣 欲絕 其脉浮

大豈 杏仁 去尖 煨 麻黃 防風 防已 猪苓



赤白痢 卷九

各四澤瀉 黄芪 烏頭炮 各半夏 茯苓

白朮各五 甘遂炒 甘艸炙 各一兩 每服五錢 姜七片

水二鍾 酒半鍾 煎一鍾 服以大小便利為度

如不利 加生大戟五 葶藶炒 各兩 醋無不利矣

內甘遂 甘草 本相反 故用之 以成功 屢試屢

効 非泛常所可測也

澤瀉湯 治石水 四肢瘦 腹腫不喘 其脉沉

澤瀉洗 五兩 祛腥 桑白皮六兩 射干浸 泔水 黄芩

茯苓 白朮各四 澤瀉三 防已各二

每服五錢 水三鍾 先用黑豆一合 煎至二鍾

入藥 同煎 七分 空心 食前 服一白 三次

附子 葶藶湯 治寒客 皮膚發 然而堅 腹大身

腫 按之陷 而不起 色不黃 疔病 各膚 脹一劑 未作

大附子生 去者皮 臛 菘豆二兩 生姜切 一兩

水二鍾 煎一鍾 分三服 空心 早晚 各一服

葶藶防已丸 治高自浮腫 肺氣喘咳 不安小便

葶藶防已 一兩 木通 葶藶 杏仁去 煨 尖 貝母各

一右為末 棗肉丸 梧子大 每服五十丸 食遠服

赤白痢

卷九

廿五



赤白皮煎湯送下

酒腫丸 治酒腫及脾虛發腫

蘿蔔十枚 皂角五枚 二味用水煮乾去皂角將

蘿蔔搗爛蒸餅糊為丸艾實大蘿蔔煎湯如

大意送下

犀角湯 治結陽疔四肢腫滿熱菟不散或毒

犀角 玄參 連翹 柴胡 各五升 麻 木通

錢 沉香 射干 甘草 各七分 芒硝 三錢

交門冬 三錢 分二服 水煎

消腫湯 治水腫喘滿大小使不利

白木 山梔 錢 赤茯苓 蘿蔔子 錢 三葶藶

椒目 蘓子 錢 沉香 木香 五分 水煎服

又方 繼前服 已上二方神效

葶藶 二錢 椒目 一錢 猪苓 半錢 澤瀉 八分

葱白 三根 水煎吞牽牛末為丸則大小使俱通

二奇方

白木 五錢 滑石 三錢 水煎服 七服全愈

白茯苓湯 治水腫 開鬼門 潔淨府 机要方



白茯苓 澤瀉 酪二 郁李仁 五錢 水煎服

白入生薑自然汁服 或作粥飯 或和麩作糲

食之 五七日後俟脹下 乃與白朮散

又方 大田螺 大蒜 生草 前草 和研為膏 作大餅

敷于臍上 少頃 水從小便出 數日愈

病機 白朮散 服前白茯苓湯 利後以此補之

白朮 澤瀉 鎔 五為末 以茯苓三錢煎湯調下

或丸服 亦可 每三十丸 從少至多 後以黃芪

建中湯之類 調補 大小 勿不

脹滿門 一名鼓脹

內經曰 諸濕腫滿 皆屬於脾 蓋言脾虛不能運化

又曰 濁氣在上 則生脹 其中亦有寒熱之分也

靈樞曰 脹者 皆因厥氣在下 寒氣逆上 榮氣留止

真邪相攻 兩氣相搏 合而為脹 又曰 內虛不足

中寒 濕冷 人中滿 又曰 胃中寒 則脹滿

針經云 脹取三陽 三陽者 足太陽 膀胱 寒水為脹

也 以比以脹 為寒也 內經曰 諸腹脹大 皆屬於熱



丹溪曰七情內傷六淫外侵飲食不節房勞致虛  
脾土受傷轉輸失職胃雖受谷不能運化故陽  
自升陰自降而成天地不交之否清濁相混隧  
道壅塞濕鬱為熱又生濕熱相生遂成脹  
滿經曰鼓脹是也以其外雖堅滿中空無物有  
似于鼓又名蠱者若虫侵食有蠱之義是以脹  
滿為熱也  
陽熱為邪則身體有熱脹滿而咽乾陰寒為邪則  
吐不下食脹滿而自利

又有穀脹水脹氣脹血脹不可不別  
失飢傷飽痞悶停酸且食暮不能食者是為臌  
脾土受濕不能制水漬于腸胃而溢于肌膚  
漉漉有聲怔忡喘息是為水脹  
七情鬱結氣道壅隔上不得降下不得升身腫  
大而四肢瘦削是為氣脹  
煩躁漱水迷忘驚狂痛悶嘔惡虛汗厥逆小便  
多大便黑婦人尤多見之是為血脹  
又有五臟六腑之脹出靈樞論篇全



靈樞曰心脹煩心短氣卧不安肺脹虛滿而喘咳肝脹脇下滿而痛引小腹脾脹善噦四股煩悅體重不能勝衣臥不安腎脹腹滿引背央然腰髀痛胃脹腹滿胃脘痛鼻聞焦臭防于食大便難大腸脹腸鳴而痛濯冬自重感于寒則餐泄不化小腸脹小腹脹脹引腰而痛膀胱脹少腹滿而氣癢三焦脹氣滿于皮膚中輕然而不堅膽脹者脇下痛脹口中苦善太息

長太緊有虛實之辨實者腹中常脹外堅內痛按之不陷法當疎利虛者時脹時減虛氣留滯相換之則濡法當以溫藥和之又有五積久而成脹滿者有外感寒邪傳入于裏寒爰為熱作胃實而脹滿者有痰瘕久而成脹滿者治療之法在體認詳明按而治之可也久病羸之變為脹滿喘息不得及腫脹而肌肉崩潰足脛流水唇黑缺盆平臍突背平足心滿此類數者皆為五臟損敗不治之症也



陳無擇曰脹滿皆臟氣不平勝乘相因為病如怒  
傷肝、剋脾、氣不正必脹于胃名曰勝剋怒  
又乘肺、氣不傳必脹于大腸名曰乘剋  
丹溪戒云醫家不察虛實急于作効病者苦于脹  
急喜行利藥以求通快不知寬得一日半日其  
入腫愈甚病邪深矣真氣傷矣  
脈訣舉要曰脹滿脈弦脾制于肝洪數熱脹遲弱  
陰寒浮為虛滿緊則中實浮則可治虛則危急  
丹溪云宜大補中氣行濕此乃脾虛之甚必須近

音樂斷厚味大劑人參白朮佐以陳皮茯苓蒼  
朮之類有脈實堅人壯盛者或可攻之便可  
收補用參朮為主凡補氣必帶有枳寬滿以  
其味辛能散其結也須用姜汁製之肥胖人  
初脹未久以胃苓湯服如面白人腹脹是氣  
虛宜參朮厚朴陳皮如瘦人腹脹是熱宜黃  
連厚朴香附白芍如因有故蓄血而腹脹者  
宜抵當丸下死血如因有食積而腹脹有熱  
者用木香檳榔丸有寒者用木香厚朴丁香砂

赤水玄珠

六卷

四



仁神麴香附 如因外寒束內熱而腹脹者用  
藿香麻黃升麻乾葛桂枝 因大怒而腹脹者  
宜青皮陳皮香附木香梔子仁蘆薈 實者按  
之堅瀆下之次消之次補之 虛者溫之升之  
補之 朝寬暮急血虛暮實朝急氣虛終日急  
氣血俱虛 腹脹不寬滿者食肉多用黃連下  
兩阿魏半兩醋浸餗餅為丸同溫中丸白朮湯  
下 食肉多三補丸料內加香附半夏麴蒸餅  
糊丸服

鼓脹說

生生子曰脹滿之疾穀食不消小便不利腹皮脹  
急而光內空然如鼓是矣俗知謂之鼓脹不  
察其致之者有由也內經曰脹取三陽三陽者  
足太陽也水勝膀胱經曰下焦溢而為水靈蘭秘  
典曰膀胱者州都之官津液藏焉氣化則能出  
矣歷考三書可見小便之不利由下焦原氣虛  
寒以致濕氣壅遏于膚裡膜外之間不得發越  
勢必腫滿是腫滿之疾起于下元虛寒也若非



溫補下元則小便何能獨利且夫人之胃如釜  
甑然釜底火旺則熱氣薰蒸甑炊易熟若徒有  
水而無火則無氣上升物何由熟即此可以例  
觀矣故治脹滿者先宜溫補下元使火氣盛而  
濕氣蒸發胃中溫煖穀食易化則滿可寬矣夫  
清氣既升則濁氣自降濁氣降則為小便也小  
便利脹有不消乎語謂地氣上為雲天氣下為  
雨惟此氣流行斯為雲為雨也今之醫者一遇  
此疾則曰內經有言諸濕腫滿皆屬脾土土虛

則濕停濕停則滲透肌膚遍身腫滿不可不通  
利也輟用利小便及補中之劑如五苓散胃苓  
湯加木通車前子木腹皮滑石之類法未為爽  
謬乎然顧服之愈多而小便愈少腫脹愈急何  
故哉不溫補下元而徒以通利之藥施之也果  
若此豈惟不効則下元益虛真氣益弱死期且  
至安望其有瘳乎余嘗究心靈素參會易理憬  
然有得于中且施之病者隨試輟効故筆之于  
冊以公我之同志

補壯原湯于後



赤木五... 卷

治氣脹之劑

平肝飲子 專治喜怒不節肝氣不平邪乘脾胃

心腹脹滿頭暈逆脉來浮弦

防風 桂心 枳殼 赤芍 桔梗 炒 各一人參

甘艸 炙 檳榔 當歸 酒 洗 川芎 陳皮 各五

每服五六錢姜五片水煎服

紫蘇飲子 治憂思過度致傷脾胃心腹膨脹喘

促煩悶腸鳴氣走漉漉有聲大小便不利脉虛

緊而溢 方在痞門

調中順氣丸 治怒氣傷肝三焦痞滯水飲停積

脇下虛滿或時刺痛

木香 白豆仁 青皮 橘紅 三稜 炮 各

半夏 泡 大腹子 各 砂仁 檳榔 沉香 各 五

糊丸 梧子 大 每服三五十九 陳皮湯下

木香順氣湯 治濁氣在上則生膜脹及七情

陳皮 厚朴 各 四 川歸 各 五 草豆蔻 去 煨 木香

蒼木 各 三 洗 青皮 益智仁 白茯苓 澤瀉

半夏 泡 乾生姜 吳茱萸 升麻 柴胡 各 二

赤木五... 卷



半加姜水煎服

直指橘皮湯 治七情所傷中脘不快腹脇脹滿

香附米 半夏 橘紅酪二甘草半錢

木香 每服一兩姜五片棗二枚水煎服

四製枳殼丸 治腹脹鼓疾

陳枳殼同炒 四兩分 四製一兩 用蒼朮一兩

苗香一兩 同炒一兩 同炒一兩 炒枳殼黃色為度

去同炒藥只用枳壳為末却將蒼朮等四味

暗煎湯去渣打麵糊為丸梧子大每服五丸

烏藥順氣散 治脹滿痞塞七情憂思所致此方如神

天台烏藥 香附 沉香 砂仁 橘紅

半夏 為末每服二錢灯心湯調

寬中八寶散 治全前方

木香 歸尾 蘿蔔子 真蘘子 檳榔

砂仁 各半 沉香 牙皂 各一

共為末每服一錢或二錢黃酒調下

大五小水不利并水腫加苦葶藶子末一錢五分

蝮蛇後段炙末一錢入前方內



赤水玄珠 卷六

治寒脹之劑

大正氣湯 治脾胃虛寒外為風寒濕氣擾動心

腹脹滿 藿香 厚朴 陳皮 半夏 白朮

各半 檳榔 桂枝 枳殼 乾姜 炮各一分 甘草

錢五分 作二帖 姜三片 水煎服

大半夏湯 治肝氣太盛 射勝于脾 鬱不行 結

聚涎沫 胃中脹滿 其脈弦 遲

半夏 桂心 附子 炮 參 甘草 炙 厚朴

枳實 枳殼 枳實 枳殼 枳實 枳殼 枳實 枳殼 枳實 枳殼

每服四五錢 姜棗煎服

沉香降氣湯 治中脘脹滿 時吐脇疼 每噫則竟

氣快不噫 則悶漸瘳 面浮磨檳榔入紫蘊同煎

下神保丸 五七粒

香附 一兩 沉香 五分 砂仁 二錢 粉草 三錢

右為末 每服一錢 入鹽少許 沸湯服

神保丸 治諸寒積脹滿 急痛 大便不利

木香 胡椒 一錢 全蝎 七個 巴豆 皮十粒 研去

右為末 餅餅丸 麻子大 硃砂為衣 每服五丸

赤水玄珠 卷六 四五



腰脇疼痛茵香酒下餘陳皮湯下  
 順氣木香散 治氣不升降嘔逆惡心胸脇痞悶  
 軀脇肋脹滿及酒食所傷噎食吞酸心脾疼大便  
 不調及煩人血氣刺痛一切冷氣服此寬中利  
 氣和胃進食  
 丁香皮 砂仁 良姜 桂心 乾姜 炮 甘草 炙  
 橘紅 厚朴 蒼朮 桔梗 茴香 炒 各  
 每服五七錢加姜棗水煎服  
 草澄茄丸 治痞滿脹痛穀脹氣脹通用

葶澄茄 白豆蔻 砂仁 青皮 蘿蔔子  
 木香 各二肉豆蔻 茴香 炒 丁香 桂 各半  
 陳皮 分三 右為末麵糊丸梧子大 每服三十丸  
 導氣丸 治諸痞塞腹脹如鼓大便秘結等症又  
 木腎氣小腸氣疼功效尤捷  
 青皮 炒 水蛭 等分 同 莪朮 炒 等分 同 檳榔 同 炒  
 去班 胡椒 去 茴香 同 炒 三稜 乾 漆 炒 吳茱萸 同 炒  
 去黑 赤芍藥 去 川椒 同 炒 石菖蒲 桃仁 同 炒 乾姜  
 同 炒 大附子 去 青鹽 同 炒 右十味為末酒糊

赤水玄珠 六卷 吳



為丸梧子大每服五十九加至七十丸紫蘇湯下

沉香飲 治腹脹氣喘坐卧不安

沉香 木香 枳殼 鎔五 蔓藟子 兩炒

每服五錢姜三片水煎服

木香化滯湯 破滯氣心腹滿悶

甘草炙 白檀香 藿香 陳皮 桔梗 大腹

皮 茯苓 白苳仁 絡二砂仁 人參 青皮

檳榔 木香 姜黃 白木 絡四 水煎服

縮砂飲 治氣脹氣蠱等病如神

蘿蔔子研砂仁不拘多少以蘿蔔子汁浸透炒

炒為細末每服一錢米飲下

四炒丸 治年高人患鼓脹獨只腹脹肢體如柴

舉動乏力 木香 檳榔 各一兩

二味劉如芡實大 四製同炒深黃色去蔓藟

子不用香一分用漆一分用蔓藟一分用

木一分用香一分用檳榔一分用為末以四味同炒

藥煎湯打糊為丸菜豆大每服七八飲下

中滿分消湯 治中滿寒脹寒疝大小便不通陰

赤水



中躁足不收四肢厥冷食入反出下虛中滿腹中  
寒心痛下寒沉厥奔豚

益智仁 半夏 木香 茯苓 升麻 各七錢

川烏 人參 青皮 當歸 生姜 柴胡

乾姜 黃連 草澄茄 各五錢 黃芪 吳茱萸

草豆蔻 厚朴 各五錢 右每服一兩水煎溫服大

四 忌房勞濕麪生冷 一方 錢五分 麻黃 澤瀉 各二分

錢氏塌氣丸 胡椒 一兩 蝎梢 半兩 為細末 麪糊丸 如粟米大

胡椒 一兩 蝎梢 半兩 為細末 麪糊丸 如粟米大

每服五七丸至一二十丸陳米飲下

木香塌氣丸 治單腹脹

丁香 胡椒 各二錢 蝎尾 半兩 枳實 兩 白牽牛 兩

郁李仁 四錢 木香 檳榔 各半 為末 飯丸 菜

中 豆大 每服十九至十五丸 陳皮 生姜 湯任下

木香散 治單腹脹

木香 青皮 白朮 姜黃 草豆蔻 各半

阿魏 草澄茄 醋糊丸 菜豆大 每服二十九 生姜湯下

又 右末 醋糊丸 菜豆大 每服二十九 生姜湯下

示水 藥珠



又方治鼓氣

大癩蝦蟆一隻新瓦二片相合鉄線纏定盛在丙外用鹽泥固濟慢火煨存性為末溫酒調服

木香治熱脹之劑

中滿分消丸 治中滿鼓脹氣脹太熱脹水脹

人參 白朮 姜黃 黃芩 黃連 半夏 泡

枳實 麩炒各 甘草 炙猪苓 各錢 茯苓 砂仁

木乾生薑 各錢 厚朴 姜製 知母 錢 澤瀉 橘紅

各錢 右研茯苓澤瀉生薑各為末餘共為末和

勻鉦餅為丸梧子大每服百丸白湯吞下

沉香交泰丸 治濁氣在上而擾清陽之氣鬱而

不伸為臌脹 沉香 白朮 橘紅 茯苓

澤瀉 枳實 煨 穰 吳茱萸 湯洗 當歸 酒浸 青皮 去白

木香 各錢 一 大黃 酒浸 厚朴 姜製 湯浸 鉦餅為

丸梧子大每服七八十丸白湯下微利即止

廣茂潰堅湯 治中滿腹脹內有積塊堅硬如石

令人坐卧不安大小便澀滯上氣喘促遍身腫

厚朴 黃芩 益智 草豆蔻 當歸 各錢 五 吳



茱萸 紅花洗酒升麻 廣茂錢各二甘草 紫胡

澤瀉 神曲炒陳皮 青皮錢各三黃連錢六半夏

雞屎醴飲治鼓脹且食暮不能食痞滿壅塞

雄鷄屎臘一月取晒川芎一兩二味各為極細末

和勻麵糊丸梧子大每服五十九丸温酒下

不又方加大黃一兩每服二錢姜湯下

推氣丸治三焦痞塞氣不能降胸脇脹滿大便

秘小便赤陳皮檳榔 枳實 黃芩

大黃 黑丑生等為末蜜丸梧子大每服五

七十九丸臨睡白湯下

大異香散治穀脹失飢傷飽痞悶停酸早食暮

不能食陳皮青皮 京三稜 莪朮 益

智仁 香附子 藿香 半夏曲 桔梗各五

枳殼錢五甘草錢三每服五六錢姜棗煎服

木香分氣丸善治脾胃不和心腹脹滿兩脇膨

脹胸膈洋溢痰嗽喘急刺心乾嘔咽喉不利飲

食不化並皆治之亦治穀脹

赤水玄珠

卷之六

本草綱目



木香 檳榔 青皮 莪木 煨 當歸 姜黃

白朮 枳殼 燒橘紅 肉果 乾生姜 玄胡

索 京三稜 煨 赤茯苓 秋冬加丁香 炒

各等分為末 麩糊丸 小豆大 每服三五十九

生薑湯下 忌生冷 茄子 馬齒莧

補下元之劑

壯原湯 治下焦虛寒中滿腫脹小便不利上氣

喘急陰囊兩腿皆腫或面有浮氣

人參 白朮 鎔 茯苓 未破故紙 鎔 桂心

大附子 乾姜 砂仁 各五分 陳皮 七分

水煎食遠服 有痰加半夏 錢 喉中痰聲

加桑白皮 錢 咳嗽亦加 脚趺面腫加薏苡

仁 錢 中氣不轉運不知餓加厚朴 木香

氣鬱不舒加沉香烏藥 臨服磨入 氣虛甚

者人參加作五錢 大附子加作一錢半 汗

多者再加桂枝五分 白芍藥酒炒過八分

若夏月喘乏無力或汗多者加麥門冬一錢

五味子十一粒 夜夢不安者加速志一錢



兩脇氣硬加白芥子八分若面浮腫脇下氣  
硬加白芥子紫蘘子五分若身重不能轉  
動加蒼朮一錢澤瀉七分濕盛加桑白皮  
赤小豆

治血脹之劑

人參芎歸湯 治小便多大便黑痛悶喘惡  
當歸 半夏 三川芎 一莪木 煨 甘草 炙 木香  
砂仁 烏藥 各五 人參 桂 五 靈脂 一 炒 各  
每服三五錢紫蘘葉 四 姜 片 五 棗 枚 水 煎 服

一方治血鼓腹脹如盆

三稜 煨 莪木 乾漆 炒 烟 牛膝 酒 去 芦 蜜 虫 炒 糯米

琥珀 肉桂 礞砂 水蛭 炒 赤 大黃 各 等

為末用生地黄自然汁和米醋調勻為丸梧  
子大每服十丸空心温酒下童便下亦可

鷄屎醴散 治旦食暮不能食血脹痞滿

大黃 桃仁 去皮 乾鷄屎醴 等分

為末每服一錢生姜三片煎調食後臨睡服

治積塊不消發為脹滿之劑



治五蠱脹丸 忌鹽四十日

官桂 歸尾 檳榔 橘紅 枳壳炒 莪木炒

三稜炒 大黃酒煮 青皮 黑丑君 白商陸君

芫花君 大戟 甘遂去心 麩 赤小豆 椒目

木香 砂仁 乾漆炒烟 枳實炒 醋糊為丸

梧子大 初服三日 每服九十九丸 過三日服八

無九十丸 又過三日服七十九丸 每用葱七根煎

三湯送下 空心服 以行四五次為度 行後以温

一六 粥補之 不行而吐者 亦妙 次用補法

補方 蓬萊青皮 桔梗 莪木 三稜 枳實

枳壳 木香 砂仁 茯苓 檳榔 陳皮

小芍藥 細辛 歸尾 人參 香附等分 每服

四五錢 水煎服 須要過四五十日 後方許 食

食鹽用藥法

鯽魚去腸 將五苓散末入魚腹中 焙乾為末 白

桂湯調服 方許食鹽 已上三方 乃一宗方 極

峻利 非積固體厚者 未敢謾試 姑錄此以

温白丸 治心腹積聚 心下堅結 大如杯碗 傍攻



兩脇心痛食不消化

桔梗 柴胡 菖蒲 紫苑 黃連 乾姜

桂皮 茯苓 川椒 吳茱萸 巴豆去皮去油

炒人參 厚朴 銘五川烏炮二兩 皂莢去皮子

右為末入巴霜和勻煉蜜為丸梧子大每服

卅丸紫蘇湯下取積滯如魚腦爛綿而安

小檳榔丸 治脾虛腹脹不進飲食快氣寬中

蘿蔔子炒 檳榔煨 黑丑炒 木香各五錢

為末麵糊丸梧子大每服三四十九丸姜湯下

治蠱脹將愈內有痞塊用此消之

青皮 枳壳 三稜 莪朮 蒼朮 厚朴

桂皮 香附各 砂仁 草果 針砂 白芷各

錢烏藥 乾漆 乾姜各 歸尾半兩 檳榔兩

木香二錢 阿魏錢 一方有錄礬斤 陳皮兩

為末棗肉丸梧子大每空心好酒吞下 卅十

治脾虛之劑

強中湯 治咳生冷過飲寒凝有傷脾胃遂成腹

脹心下痞滿有妨飲食甚則腹痛



辨別五種  
五種

乾姜炮 白朮略二 青皮去 人參去 丁香各三 草

果仁 附子皮去 厚朴姜製 甘草錢五

每服四五錢 姜棗煎服 嘔者加半夏

如食麵脹滿加蘿蔔子錢五

溫胃湯 治憂思鬱結脾肺氣凝大腸與胃氣不

平脹滿冲咳食不得下脉虛而緊瀉 附子炮

歸尾 厚朴 生人參 陳皮 白芍 甘草各

兩 乾姜錢兩半 川椒半錢 每服五六錢水煎服

草荳蔻湯 治腹中虛脹

澤瀉分 木香分三 神曲分四 半夏 枳實 益智

草豆蔻 黃芪春夏不用 甘草略五 青皮 陳皮各六

分茯苓 當歸略七

生姜三片水煎服 冬再加黃芪分五

通氣生薑丸 治三焦虛脹

人參 茯苓 神曲炒 麥芽炒各 官桂 歸尾

陳皮兩 炒六半 夏兩 洗一 生薑六 破切 厚朴兩六

右為末以生薑汁煮麴糊為丸梧子大每服

三十九丸空心食前米飲下

示水  
五







桂香丸 治大人小兒過食雜菓腹脹氣急  
 肉桂 研 射香 研 為末 飯丸 菘豆 大小  
 斷望兒 七丸 大人 十五丸 白湯下 二三服 神效  
 西來方 治腹中積塊作脹作痛 大小便不利  
 硼砂 三錢 苦葶藶子 海金沙 鎔 三 乳香 半 錢  
 沒藥 牙皂 各 錢 檳榔 陳皮 三稜 鎔 二 莪  
 朮 半 錢 木香 錢 共為末 每服五分 滾水調下  
 生生子曰按鼓症內經靈樞水脹篇只有水與膚

脹鼓脹腸覃石瘕石水六者又脹論篇載五臟  
 六腑皆有脹狀甚者後代諸書論脹鮮有發明  
 予在吳下時有同志友吳生諱震號九宜者博  
 雅君子也每與予討論多善予一日偶談及鼓  
 脹乃詰予曰鼓有虫否乎予卒不敢應俛思久  
 之對曰或有之當以疑辭對者蓋以目未見而  
 書無考也按許學士本事方云臍腹四肢悉腫  
 者為水但只腹脹而四肢不甚腫者為蠱註謂  
 蠱即鼓脹也由是參之古人曾以蠱鼓同名矣



赤水玄珠 卷一  
且蠱以三虫為首豈無音哉愚謂鼓脹即今云  
氣虛中滿是也以其外堅中空腹皮絀急有似  
于鼓故以鼓脹名也彼蠱症者中實有物積聚  
已久濕熱生虫理或有之吳生曰子質何其敏  
也予堂嫂病鼓三載腹大如箕時或脹痛四肢  
瘦削三吳名劑歷嘗不瘳吳俗死者多用火焚  
燒至腹忽响聲如炮人皆駭然乃見虫從腹中  
炮出高二三丈許燒所之天為昏俄而墜地細  
視之皆蛔也不下千萬數大者長尺餘虫腹中

復生小虫多者十五六條或十數條或五六條  
虫在人腹中蕃息若此曷不令人脹哉區之藥  
劑豈易瘳哉顧蠱以多虫為首于義始見許之  
以蠱名鼓者皆可徵矣惜乎諸書未有言及子  
既為後人立言幸繹數方以備後之治鼓疾者  
知有此蠱字義也予聞之恍然如夢始覺然猶  
未親見其異也歲萬曆癸巳赴督漕理刑具比  
部之召而至淮陰有王鄉宦者其子年十六新  
娶後腹脹大按之有塊形如稍瓜四肢瘦削發



熱晝夜不退已年矣族醫惟以退熱消脹之劑投之其脹愈大其熱愈熾甚且喉中兩耳俱瘡余診視之脉滑數望其唇則紅其腹則疼又多嗜肥甘余思諸凡腹疼者唇色淡不嗜飲食今若此得非虫乎投以阿魏積塊丸服之果下虫數十大者一二紅一黑長尺餘虫身紅線自首貫尾虫腹中有虫大者數條小者亦三四條虫下則熱漸減脹漸消三下而愈此余所親治者益信前聞之不虛也世之奇症書所未載者

大率類此胡可以未聞未見者而輕議之也余因紀其聞見贅其方于鼓症之末

治虫蠱之劑

八毒赤丸 治男婦染着神鬼謂之鬼疰病服之甚効治虫積蠱脹如神 雄黃 礞石 硃砂 研牡丹皮 附子 炮 藜芦 巴豆 酪 蜈蚣 条 右為末煉蜜丸如小葶大每服五七丸至十丸冷水送下無時昔有副使許可道至雄州請醫看脉乍大乍小乍短乍長氣血不均邪



氣傷正本官說去路至邯鄲驛中夜夢一婦  
 人著青衣不見面用手于脇下打了一拳遂  
 一點痛徃來不正寒熱不食乃鬼驚也可服  
 八毒赤丸本官言讀名醫錄中者李子豫八  
 毒赤丸為殺鬼杖子遂與藥三粒臨卧服明  
 旦下清水二斗立効製藥時宜志誠齋戒

紫金丹 治虫蠱并虫積

大黃 檳榔各兩半 蒼木 貫仲 牙皂 香附  
 酪三 三稜 雷丸 黑丑 酪二 史君子 半 白

蕪夷 苦練 根皮各二兩半 右為末每服三錢五更

時沙糖湯調服至天明下虫積不問黃腫鼓

脹心痛一服即効小兒減半看大小輕重

又方 治全

黑丑 五 灵脂 好酒煮 檳榔 各五 大黃 兩 阿魏 錢二

桃仁 去皮尖研如泥不拘

右為末以桃仁膏為丸梧子大每服二錢白

湯送下

積塊丸



治癰疽積聚癰塊一應難消難化腹中飽脹或  
虫積痰痛皆能取效若神不傷元氣

京三稜 莪木 自然銅 蛇含石  
醋各用 醋煨 全用焙燥各 燒各

雄黃 蜈蚣 辰砂  
紅醋淬七 全用焙燥各 錢二分

木香 鐵華粉 蘆會 天竺黃  
半一錢 用糯米醋 錢二分

阿魏 全蝎 沉香 冰片  
洗全用焙 乾各四錢 分八 分五

右為極細末用雄猪胆汁煉為丸黑狗胆汁

尤妙丸如梧桐子大或服七八分重者一錢

五更酒送下塊消即止不必盡劑

瘡氣門

內經曰太陰所至為積飲瘡隔

瘡者心下痞滿而不能食也

仲景云滿而不痛為痞滿而痛為結胸

劉河間曰痞與否同不通泰也謂精神營衛血氣

津液出入流行之紋理閉密而為痞也

東垣曰脾無積血不痞夫痞者心下滿而不痛是

也太陰者濕土也主壅塞乃土來心下為痞滿

也傷寒下太早亦為痞乃因寒傷其營者血



赤水... 也。心主血邪入于本故為心下痞悶仲景立瀉  
心湯數方皆用黃連以瀉心下之土邪其効如  
響應釋故活人書云審知是痞先用桔梗枳殼  
湯非以此專治痞也蓋因先從錯下必成痞症  
是邪氣將陷而欲過胸中故先用截散其邪氣  
使不致于痞先之一字早用之義也若已成痞  
而用之則失之晚矣不惟不能消痞而反損胸  
中之正氣則當以仲景痞藥治之經云察其邪  
氣所在而調治之正謂此也非止傷寒如此至

于酒積雜病下之太過亦作痞蓋下多亡陰亡  
陰者謂脾胃水穀之陰亡也故胸中之氣因虛  
下陷于心之分野故至心下痞宜升胃氣以血  
藥兼之若全用氣藥導之則其痞益甚甚而復  
下之氣愈下降必變為中滿鼓脹皆非其治也  
又有虛實之殊如實痞大便秘者厚朴枳實湯  
主之虛痞大便利者白芍陳皮湯主之如飲食  
所傷痞悶者當消導之去其胸中窒塞上逆兀  
兀欲吐者則吐之所謂在上者因而越之是也

示水... 卷



王海藏曰治痞獨益中州脾土以血藥煎之其法無以加矣

傷寒痞者從血中來雜病痞者亦從血中來雖俱為血症大抵傷寒之症從外至內從有形至無形故無形氣症以苦泄之有形血症以辛甘散之中滿者勿食甘不滿者復當食也中滿者腹脹也如自覺滿而外無腹脹之形即非中滿乃不滿也不滿者病也當以甘治之可也

綱目云無形氣症以苦泄之者枳實黃連之類是

也有形血症以辛甘散之者仲景人參湯是也

劉宗厚曰痞之為病由陰伏陽蓄氣血不運而成處心下位中央膜滿痞塞皆土之病也與脹滿有輕重之分痞則內覺痞悶而外無脹急之形脹滿則外有形也前人所論皆指悞下而致之亦有不因悞下而然者如中氣虛弱不能運化精微則為痞飲食痰積不能施化則為痞濕熱太盛土乘心下則為痞既痞與濕同治惟上下分其氣如果有內實之症庶可畧與疎導世



人感寒喜行利藥以求速效暫時通快痞若再  
作益以滋甚是不察夫下多亡陰之意也  
統旨曰痞有虛實之殊而又有濕有熱有痰有鬱  
有風寒不消有脾胃虛弱有飲食過傷者當求  
所因而分治之如實痞大便閉以黃連枳實厚  
朴苦以泄之虛痞大便利以為藥陳皮酸以收  
之濕者四肢困重小便短少宜蒼朮茯苓半夏  
滑石澤瀉以滲之鬱者則流滯不通食難消化  
宜撫芎香附蒼朮枳實以開之熱則煩渴溺赤

用黃連黃芩葛根升麻以發之便結者即而利  
之痰則胸中窒塞用半夏瓜蒌枳實黃連以豁  
之欲吐者因而越之飲食後因冒風不消而痞  
宜吳茱萸砂仁草豆蔻藿香溫以化之脾胃弱  
而轉運不調為痞宜四君子湯等甘以補之飲  
食過傷則腹飽噯氣而致痞塞者又當以青皮  
枳實厚朴山楂麩蘖以消導之至于痰挾血成  
窠囊而痞者用桃仁紅花香附大黃之類若脉  
右明多弦弦而遲者必心下堅此肝木剋脾土

赤火  
六卷  
三



鬱結涎閉于臟腑氣不舒則痞木香順氣湯如下多則亡陰而痞者四物加參苓白朮升麻柴胡少佐以陳皮枳殼監制或大病後元氣未復而痞補中益氣湯加陳皮凡此痞滿不可執全在活法詳脉證虛實而治之也

劉河間曰三陰三陽之標本治各不同有用寒藥而為熱痞大黃黃連之類也有用寒熱藥者陰與陽不和而痞大黃黃連加附子之類也有用辛熱藥多而寒藥少者陰盛陽虛而痞半夏生

薑甘草瀉心三方之類瀉心湯者非瀉心火之熱乃瀉心下之痞也通而論之其藥陽多而陰少蓋病發于陰而得之有大黃黃連瀉心湯獨為陰心下痞而脉疾一証桂枝後用從太陽浮弱所變餘皆陰陽雜用

直格云傷寒裏之陰分已受熱邪是病發于陰也或熱微而下証未全誤下之早則裏熱除去表熱乘虛入裡而作痞也故仲景攻痞多用大黃黃連黃芩寒藥亦後或加附子乾姜之類者是



以寒熱佐其寒藥欲令開發痞之怫熱結滯也  
非攻寒耳

劉宗厚曰河間論瀉心湯分陰陽寒熱多少而用藥可謂詳切矣而此論則專主於熱二者似乎不同要之各有所當蓋直格是言其受病之本河間是論其用藥之標若以為痞有陰寒之症耶則仲景瀉心五方何皆用黃芩黃連之藥若以為痞無陰陽之異耶何瀉心湯又有兼用附子乾姜半夏生姜之類者也一言其本標而已

治熱之劑

仲景大黃連瀉心湯治心下痞按之濡其脈  
閉上浮或寸沉關浮而有熱者

大黃二兩 黃連一兩

右剉以麻沸湯漬之須臾絞去渣分溫再服

劉宗厚云此少陰經藥也出陽明例成無已云大黃連以導瀉心下之虛熱以麻沸湯漬服者取其氣薄而泄其熱也又按伊尹湯液論大黃連黃芩湯共三味今監本無黃芩脫落之也又保命集無黃芩加甘草乙兩

散其瀉熱之劑



仲景附子瀉心湯 治心下痞而復惡寒汗出脉

沉遲也

大黃二兩 黃連二兩 黃芩二兩 附子一枚 別取汁去皮

右剉以麻沸湯浸之須臾絞去渣內附子汁

分溫再服

半夏瀉心湯 治汗下後身寒痞滿而嘔飲食不

下脉微按之不痛非柴胡症

半夏半升 黃芩二兩 乾姜二兩 人參二兩 附子一枚 黃連二兩

大棗十二枚 甘草二兩

右七味以水一斗煮取六升去渣再煮取三

升溫分三次服

生姜瀉心湯 治汗下後胃中不和乾噫食臭自

利腸鳴脇下有水氣而心下痞滿

即半夏瀉心湯加生姜四兩乾姜二兩

甘草瀉心湯 治下之後腹中雷鳴心下痞硬再

下之痞益甚此非結熱以胃中虛客氣上逆也

即半夏瀉心湯去人參甘草加作四兩

劉宗素云以上諸瀉心湯元戎云少陰陰藥也以其心下痞故入陽明例况服梔子黃芩黃柏

赤火



赤水... 卷六

大黃為上下通經之劑安得不得陽明乎

秘藏大消痞丸 治一切心下痞悶及積年久不

愈者 黃連 炒黃芩 各六錢 姜黃 白朮 各一

甘草 炙砂仁 乾生姜 神麴 炒 各一錢 人參 二

枳實 炒 五錢 橘紅 二錢 澤瀉 三錢 厚朴 製 二錢 猪苓 半錢

半夏 四錢 右為末 餛餅糊為丸 梧桐子大 每五

十九漸加至百丸 白湯送下 枳實消痞丸 治右關脉浮弦心下虛痞惡食懶

倦開胃進食

枳實 黃連 各五錢 乾生姜 二錢 厚朴 製 四錢 人參

白朮 半夏 麴 甘草 炙 各三錢 茯苓 二錢 大麥 麵 二

右為末 餛餅糊丸 梧桐子大 每服五六十九

白湯送下 失笑丸 治全 劉宗厚云以上二方並半夏瀉心湯加減法

也內有枳實湯四君子五苓平胃等利濕消痞補虛之藥也

溫中散飲之劑

枳實理中丸 治中脘痞滯氣不宣通積寒停飲

食不消化

赤水... 卷六



人參 乾姜炮 白朮 枳實 甘草炙

右為末煉蜜丸如鷄子黃大每服一九細嚼

白湯下或沸湯化下有茯苓

理氣之劑

活人桔梗枳殼湯 治傷寒痞氣胸滿欲絕

桔梗 枳殼 去穰炒 右剉水煎分作二服

此湯無不驗也綠枳壳行氣下膈故劫海截氣將陷于胸中故先用此使不致于痞也若已成痞復而用之則失之晚而留中入之氣愈痞矣先之一字預早之意也

宣明檳榔散 治傷寒陰証下後成痞滿而不痛

按之虛軟 檳榔 枳殼等分

為末每服三錢煎黃連湯調下

寶鑑三腕痞氣丸 治三焦痞滯水飲停積脇下

虛滿 木香 白豆仁 青皮炒 京三稜炮

半夏 橘紅 檳榔 砂仁 沉香各五錢

大腹皮而為末麩糊丸梧桐子大每服五六

十九食後陳皮湯送下

小垣木香消痞丸 治因憂思氣結中腕腹皮厚



微痛心下痞滿不思飲食

木香 紅花 乾姜 各五錢 柴胡 四錢 橘 紅 各三錢 當歸

尾 錢半 夏 甘草 各一兩

為末 餅糊丸 菽豆大 白湯送下 七八十九

七氣湯 治憂思鬱結心腹悶 方見氣門

兼治濕熱之劑

東垣黃連消痞丸 治心下痞滿壅塞不散煩熱

喘促不寧

黃連 黃芩 澤瀉 各一兩 枳實 炒半兩 夏 錢七 乾

東姜 錢二 白朮 茯苓 甘草 各錢 姜黃 錢一 猪苓

右為末 餅糊為丸 梧桐子大 每服五七十

丸 食前白湯下

蘓橘飲 治氣壅發虛浮腫甚效

陳紫蘓 葉十四 全陳皮 二片 砂仁 六枚 甘草 六寸

刺生薑 十片 棗 五個

右水煎服

紫蘓飲子 治憂思傷脾心腹膨脹喘促胸滿腸

鳴氣走瀉 有聲大小便不利脉虛緊而瀼



藕子一两木通 半夏 厚朴 木香 草果  
陳皮 枳實 人參 白木 粉草 大腹皮  
各五 每服五錢 姜棗煎服

陳橘皮散 治腹內諸痞脹  
橘紅 紫蘓 大腹皮 略之 漢防已 錢木香 五  
檳榔 木通 赤茯苓 各三分

每服五錢 加姜煎服  
雜治 未詳  
東垣木香消痞湯 治因憂氣鬱結中脘腹皮急

微疼 心下痞滿 不思飲食 亦不化 常覺痞悶  
柴胡 木香 各七分 半夏 生姜 枳實 各乙  
陳皮 甘草 各五分 歸尾 錢草 豆仁 錢紅 花少許

王海截云 少陰下痢 面赤 心下痞 瀉心湯 加減例  
易老單用黃連瀉心湯 用錢氏法 後隨証加減  
煩者加山梔 躁者加香豉 嘔加半夏 滿  
加枳實 厚朴 腹疼加芍藥 脈遲加附子  
下焦寒加乾姜 大便硬加大黃 如用姜附



先煎令熟使熱不僭後加黃連同用

內傷之劑

枳木丸 治痞消食強胃

枳實去穢麩乙兩 白木兩 為末以荷葉裹燒飯

王 為丸梧桐子大每服五七十九

橘紅枳木丸 治老而元氣虛弱飲食不消臟腑

不調心下痞悶 前方加橘紅一兩

古庵橘連枳木丸 補脾和胃瀉火消痰

即前方再加姜炒黃連一兩

黃平補之劑 枳木黃連

平補枳木丸 調中補氣血消痞清熱

白木三兩 白芍兩半 陳皮 枳實去穢 黃連姜

一炒各人參 木香錢五 右為末荷葉打米糊

丸梧桐子大每服六七十丸米飲下

古庵云白木補脾氣為君白芍藥補脾血為臣陳皮以和胃枳實消痞黃連清熱為佐人參以補元氣木香以調諸氣為使如此平補氣血均去痰火兼通氣道則病邪日消而脾胃壯矣

丹溪云心下痞須用枳實黃連以此亦是苦



攻補兼施之劑

東垣黃芪補中湯 脾虛不能滲濕內痞外浮

人參 黃芪 甘草 白朮 蒼朮 陳皮 枳

分茯苓 猪苓 澤瀉 各三

水煎溫服送下大消痞丸

補中益氣湯 治中氣虛心下痞

脈緩有痰而痞加半夏黃連 脈弦四肢滿閉

便難心下痞加柴胡黃連甘草 大便秘燥加

黃連桃仁少加大黃歸身 心下痞悶者加白

芍藥黃連 心下痞腹脹加五味子白芍藥砂

仁 天寒月加乾姜或肉桂 心下痞中寒者

加附子黃連 心下痞嘔逆者加黃連生姜陳

皮假如冬月再加黃連入丁香藿香葉 能食

而心下痞加黃連五分枳實三錢 如不食心

下痞者勿加止照本方服之 食已而心下痞

別服橘皮枳朮丸

治痰之劑

濟生瓜蒌實丸 治胸膈痞痛徹背脇脹喘急



赤白痢疾 六卷

瓜蒌實研枳實去穰半夏炒桔梗各等分

為末姜汁打糊為丸梧子大每服五七十九

食後淡姜湯下

按此方瓜蒌以潤肺降痰枳殼破滯氣半夏豁痰燥濕桔梗開膈載藥可謂善治痞悶喘急矣然痰因火動者加黃連尤妙蓋黃連佐枳殼消痞甚速

# 大宮詹少溪吳馭閱校

終









